


Ibbaibbele Iya bana Kwiiminiina



Ijulu, munzi
mubotu wa
Leza



Lyakalembwa aba: Edward Hughes

Lyakapandululwa aba: Lazarus
Alastair Paterson

Lyakazuzikizingwa aba: Sarah S.

Lyakayubululwa aba: Phiri Williams

Lyakapangwa aba: Bible for Children
www.M1914.org


©2020 Bible for Children, Inc.

Cizuminizyo: Mujisi coolwe cakubweza kaano aka,
pesi mutasambali.



Elyo Jesu nakalikupona anyika wakabaambila
basikwiiya bakwe makani a Julu. Wakaliita kuti
“Ing’anda ya Tata”, akwaamba kuti
nkwali makkalilo manji ooko.

Makkalilo munzi mupati,
mubotu. Ijulu ndipati
kwiinda alimwi ndibotu
kapati kwiinda
munzi waansi.



Jesu wakati, "ndainka kuyakubamba masena. Kuti na ndainka kuyomubambila masena, ndiyoboola alimwi ndizomutolele kuli ndime."



Jesu wakainka kujulu, nakabuka kubafwe.
Basikwiiya bakwe nibali kwebeelela, Jesu
wakaandanabo watolelwa kujulu, Ikumbi
lyakamutambula kuzwa kubusyu bwabo.



Kuzwa ciindi eeco, ba Kristo bakayeya kushomezya kwa Jesu kuti uyoboola kuzoobabweza. Jesu wakati uyoboola caluumuno nobatamuyeyeli.

Eno ciyakuba buti kubana Kristo aabo bakafwa katanaboola?

Ibbaibbele Iyaamba kuti bayakuunka kuba a Jesu.


Kutajanika kumubili
nkokujanika
Kumwami.




**KUJANIKA A
MWAMI**



Ciyubunuzyo, ibbuku lyamamanino mubbaibbele,
litwambila bubotu bwa Julu mbobubede. Cintu
cibotu kwiinda ncakuti munzila yandeene, Ijulu
munzi wa Leza. Leza ulikoonse, pele icuuno
cabulemu cili Kujulu.



Ibangelo abamwi basalila
bamujulu bakomba Leza
Kujulu. Abaabo bantu ba
Leza bakafwa bakaunka
Kujulu. Balaimba inyimbo
zyandeene zya
kutembaula
Leza.




Ngaaya majwi kuzwa kulwiimbo
lomwe ndobaimba: NDUWE
WELEEDE NKAMBO NDUWE
WAKAYASWA AKUTUFUTULA
KULI LEZA ABULOWA BWAKO
ISWEBO TOBANTU ...



... BAMISHOBO YOONSE
AMILAKA YOONSE AMIKOWA
YOONSE AZIUSI ZYOONSE
AKUTUBIKA MBULI BAMI
ABAPAIZI BALEZA WESU.
(Ciyubunuzyo 5:9)




Mapepa amamanino amubbaibbele azubulula Ijulu
kuti "Jelusalema munzi mupya". Mupati, kapati,
abwanda bwaanze bulamfu. Bwaanda bwamabwe
a jaspera bweebeka kapati. Amabwe mayandisi
akavumbilide bwaanda amweeka amabalamabala
mabotu.




Mulyango
umwi aumwi
wamumunzi
wakalibambidwe
acibela comwe
cipati.




Eezyo zipanzi zyamilyango tizyakali kujalwa pe.
Atulange mukati eeno ... WAA! Ijulu ndibotu mukati.
Munzi wakabambidwe agolide, mbuli bbodela.
Anzila zyakwe
zyakapangwa
a golide.




Kubotezya, mulonga usalala wa meenda
abuumi bukunka kuzwa kucuuno ca Leza. Kulubazu
koonse koonse kwamulonga kuli cisamu cabuumi,
cakasanguna kujanja mumunda wa Edeni. Eeci
cisamu nciyandisi kapati. Cilazyala micelo yaandene
iili kumi ayobilo yaandene mwezi a mweezi. Alimwi
amatuvu acisamu cabuumi alabeleseghwa kuponya zisi.



Ijulu taliyandiki zuba nanka mweezi kupa mumuni.
Ibulemu bwaLeza mwini bwazuzya Julu Kubota
kwamumuni. Kunyina mudima ooko.



Nebaba banyama bamukati kaJulu balandeene.
Bakaisigwa boonse alimwi mbabombe. Baupe
ambelele baleenda akulya antomwe. Abashumbwa
balanguzu kapati baleenda akulya antomwe abasune.
Mwami wakati, "Taaku nibakucisa nanka kunyonyona
mumalundu aangu asalala."



Netulanga langa, tujana kuti kuli zintu zitajaniki
Kujulu. Kunyina kulwana nibaba basyacivule.

Kunyina kukiya kujulu.

Kunyina babeji,

balowa,

bajaya

nibaba

bantu

babishi

boonse.


Kunyina

cibi

cilicoonse

mukati


kaJulu.




Mukati Kajulu a Leza kunyina misozi. Zimwi ziindi, ibantu ba Leza balalila akaambo kakuusa kuli mukati ka buumi. KuJulu, Leza uyakuukumuna misozi yoonse.




Kunyina lufu Kujulu. Bantu ba Leza bayooba aMwami
kukabe butamani lyoonse. Takukabi kuusa, takukabi
kulila, takukabi macise. Kunyina kuciswa, kunyina
kwandaana, kunyina
malila. Boonse
balakkomana
mukati Kajulu
a Leza.



Kwiinda zyoonse, Ijulu ndyabana
balombe abasimbi (abapati boonse)
ibakazumina muli Jesu mbuli
mufutuli wabo alimwi
bakamushoma kuti
abe Mwami wabo.



Kujulu nkolili bbuku liitwa kuti,
bbuku lyabuumi lya mwanambebele.
Lilizwide amazina aabantu. Sena
ulibazi balembedwe mazina ooko?
Bantu boonse basyoma muli Jesu.
Sena izina lyako nkolili ooko?



Majwi amubbaibbele amamanino aamba makani
akujulu mabotu kutaamba. "Alimwi Muya asibwinga
kabati, 'Boola!' Ooyo utelela aambe kuti 'Boola!'
Ayooyo ujisi nyota aboole. Alimwi ayoyo uyandisha
abweze meenda abuumi kakunyina muulo."



Ijulu, munzi mubotu wa Leza

Ikaano kuzwa kumajwi a Leza, Ibbaiibbele,

Ijanwa

Johane 14; 2 Bakolinto 5;
Ciyubunuzyo 4, 21, 22

"Mucilyango lyamajwi aako aapa mumuni."
Intembauzyo 119:130





Kumamanino

Ootu twaano twamu bbaibbele tulatwaambila
bubotu bwa Leza wakatulenga, uuyanda kuti yebo umuzibe.

Leza ulizi kuti twakacita zintu ziteelede, eeco ncaita kuti icibi.
Cisubulo cacibi ndufu, pele Leza ulakuyanda kapati wakapa
mwanaakwe simuzyalwa alike, Jesu, kuti afwe aaciingano alimwi
wakapenga akaambo kazibi zyako. Elyo Jesu wakaboola kubaumi
nkabela wakaunka Kujulu! Na wasyoma muli Jesu akulomba
kulekelelwa kuzibi zyako, uyookulekelela! Ulaboola akupona
anduwe, alimwi oyapona anguwe kukabe kutamani.

Kuti koshoma kuti oobu mbwini, komwambila Leza kuti:
Ooyandwa Jesu, ndilashoma kuti ndiwe Leza, wakaboola
mubuntu kuzoofwa akimbo kazibi zyangu, kutegwa ndijane
bumi bupya lino, alimwi buzoba ndikabe anduwe kukabe
kutamani. Kondigwasha kukuteelela kutegwa ndipone kwako
mbuli mwana wako. Ameni.

Kobala Ibbaiibbele nkabela ukanane a Leza
buzuba abuzuba! Johane 3:16

